

赤眉故城在縣東二十四里漢末赤眉賊師樊崇築

延津即靈昌津也在縣東北二十二里初石勒伐劉曜至河渚不得渡時流漸下流因風結冰濟訖泮勒自以為得天助故號靈昌津又左傳鄭太叔收貳以為己邑至於廩延又曹公北救劉延至延津皆此津也

酸枣縣望東北至州一百二十里本秦舊縣屬陳留郡以地多酸枣其仁入藥用故為名後魏併入小黃宣武帝復置改屬東郡開皇三年屬汴州九年屬杞州十六年改屬滑州

黃河縣北二十里

酸枣故城在縣西南十五里六國時韓王所理處舊址猶

存

金堤在縣南二十三里漢文帝時河決酸枣東潰金堤即

此堤也

匡城州上西北至一百里古衛之匡邑論語子畏於匡至漢為長垣

縣地自漢至後魏不改開皇十六年於此置匡城縣屬滑

州

故匡城在縣西南十里

故蒲城在縣北一十五里左傳齊侯衛侯胥命於蒲子路

為蒲宰皆此也

訾婁故城縣西北十六里

故崔城縣西南十五里衛懿公養崔於此

鄭州崇陽

開元戶六萬四千六百一十九 鄉一百二十四 元和戶一萬三千九百四十四 鄉一十八

禹貢豫州之域春秋時為鄭國本高辛氏火正祝融之墟也周宣王母弟友為周司徒食采於鄭是為鄭桓公後幽王為犬戎所殺桓公死之其子武公與平王東遷平定虢鄆之地故左傳曰我周之東遷晉鄭為依是也自武公後二十二公至六國時鄭為韓哀侯所滅哀侯二年韓自平陽徙都鄭秦并天下屬三川郡漢高改三川為河南郡榮陽屬焉晉武帝分河南置榮陽郡東魏孝靜帝分榮陽置成皋郡高齊文宣帝又改為榮陽郡周改為榮州開皇三

年改榮州為鄭州十六年分置管州大業二年廢鄭州改管州為鄭州隋末陷賊武德四年五月擒建德王充東都平其月置鄭州理武牢其年又於今鄭州理置管州貞觀元年廢管州七年自武牢移鄭州於今理

州境東西一百七十六里 南北二百里

八到西至上都一千一百四十里 西至東都二百八十里 東至汴州一百四十里 南至許州一百八十六里 東北至滑州三百里 北至黃河八十里

貢賦開元貢麻黃賦綿絹 元和貢絹二十疋 麻黃二十斤

管縣七 管城 榮陽 榮澤 原武 陽武 新鄭

中牟

管城縣望郭下本周封管叔之國自漢至隋皆為中牟縣開皇十六年於此置管城縣屬管州大業二年改為鄭州縣又屬焉

梅山縣西南三十里春秋時楚為子馮率師侵費滑右迴梅山即此山也

圃田澤縣東三里

故市城縣西北三十里曹公擊袁紹軍於故市即此城武強城縣東三十一里曹參擊項羽還攻武強即此城祭城縣東北十五里

邲城縣東六里晉荀林父帥師與楚子戰於邲即此城也李氏陂縣東四里後魏孝文帝以此陂賜僕射李冲故俗呼為僕射陂周迴十八里

滎陽縣緊東至州六十里本漢舊縣屬滎陽郡高齊改郡名成臯以縣屬焉開皇三年罷郡以縣屬鄭州萬歲通天元年改為武泰縣仍隸河南府神龍初復為滎陽屬鄭州

京水出縣南平地

索水出縣南三十五里小陘山

古大索城今縣理是也楚漢戰於京索間漢書注京縣有大索亭小索亭晉末滎陽人張卓董遇鳩集流散守固此

城因名大柵塢今呼為大刺蓋音訛尔  
小索城縣北四里南宋平王鏐遣王陽兒據小索破魏即  
此城也

京縣故城縣東南二十里即鄭京城太叔之邑

滎澤縣

望東南至  
州五十里

本漢滎陽縣地隋開皇四年分滎陽置

廣武縣取山為名仁壽元年改為滎澤屬鄭州

廣武山縣西二十里一名三皇山

敖山縣西十五里春秋時晉師救鄭在敖鄆之間二山名  
宋武北征記曰敖山秦時築倉於山上漢高祖亦因敖倉  
傍山築甬道下汴水即此山也

黃河北去縣十五里

滎澤縣北四里禹貢濟水溢為滎今濟水亦不復入也

東廣武

西廣武二城各在一山頭相去二百餘步在縣西二十里  
漢高與項羽俱臨廣武而軍今東城有高壇即是項羽坐  
太公於上以示漢軍處

踐土臺故王宮縣西北十五里北臨汴水南帶三皇山秦  
所置仲丁遷於囂此也詩薄狩於敖即此

金堤縣西北二十二里漢孝文時河決酸枣潰金堤東郡  
大興卒塞之孝武時王尊為東郡守又加脩築至明帝

永平十二年詔樂浪人王景築堤起自滎陽東至千乘海口千餘里十里立一水門更相迴注無復潰漏之患此隄首也原武縣緊南至州六十里本漢舊縣屬河南郡後魏屬滎陽郡東魏改置廣武縣又屬焉高齊天寶七年郡縣並廢隋重置原武縣屬鄭州武德四年屬管州貞觀元年復屬鄭州黃河縣北二十里

古陽池城竹書紀年曰惠王十五年遣將龍賈築陽池以備秦即此也開皇六年於此置縣今縣理

陽武縣緊西南至州一百里本漢舊縣屬河南郡晉屬滎陽郡

黃河縣北三十里

南棣城

北棣城二故城在縣北十里春秋楚伐陳諸侯會於北棣以救之此也

汴渠一名苕宕渠今名通濟渠西南自滎澤管城二縣界流入

博浪沙縣東南五里張良為韓報仇擊始皇處

新鄭縣緊東北至州九十里本有熊氏之墟又為祝融之墟於周為

鄭武公之國都韓哀侯滅鄭自平陽徙都之秦并天下其地為潁川郡漢以為新鄭縣屬河南郡晉省開皇十六

年重置屬鄭州

臺灣國家圖書館, NATIONAL CENTRAL LIBRARY, TAIWAN, R.O.C.

陞山縣西南三十里史記魏敗楚於陞山、上有子產墓  
幕累石為方墳、東有廟皆東向即杜元凱終制所言者  
函陵縣北十三里左傳晉侯秦伯圍鄭晉軍函陵秦軍汜  
南此也

溱州府城即東魏河南道行臺侯景營軍之壘

溱水源出縣西北三十里平地

鄆城縣東北三十二里

洧水縣西北二十里灌潁渠首受洧水西魏遣王師政固  
守長社城東魏相高澄遣將清河王高岳攻之築堰通洧  
水渠灌破長社城即此渠也

中牟縣

繫西至州  
七十里

本漢舊縣屬河南郡晉滎陽郡魏太武

省東魏孝靜帝分滎陽置廣武郡隋氏避諱改為內牟屬

管州今縣理是也十八年改為圃田縣大業十三年陷李

密武德三年李勣招撫東夏於此置牟州復改為中牟貞

觀元年屬汴州龍朔二年復隸鄭州縣理即古中牟故城

論語佛盼以中牟叛後漢魯恭為縣宰有善政人為立祠

圃田澤一名原圃縣西北七里其澤東西五十里南北二

十六里西限長城東極官渡上承鄭州管城縣界曹家陂

又溢而北流為二十四陂小鵠大鵠小斬大斬小灰大灰

之類是也

官渡臺俗號中牟臺亦名曹公臺在縣北十二里曹公破  
袁紹於此

許州

開元戶五萬九千七百一十七  
元和戶五千二百九十一

鄉一百一十七  
鄉五十七

今為陳許節度理所

管州二縣十三今鄉管戶九千三百二十九

禹貢豫州之域周又為許國

按許國故城在今許昌縣南四十里故許昌城是也

秋定公六年鄭滅許七年又封許自是附庸於鄭周末為

晉地三卿分晉其地屬韓秦滅韓虜韓王安以其地置潁

川郡理陽翟漢高帝五年為韓國以韓信為王六年復為

潁川郡後漢獻帝初遣董卓之亂遷都長安卓死東歸于

洛魏太祖迎帝都許及親受禪改許縣為許昌縣然魏雖  
都洛而宮室武庫猶在許昌又析潁川增置襄城縣晉咸  
和二年征西庾亮表成帝曰潁川襄城本是一郡戶口今  
少請還合潁川從之宋受禪後魏明帝使達奚斤伐宋長  
驅至武牢潁川許並入于後魏後又陷於東魏高澄就古  
潁陰城改置南鄭州即今州城是也隋仁壽元年改南鄭  
州為許州隋末陷王充武德四年充平復為許州

州境東西一百一十七里  
南北一百六十六里

八到西至上都一千二百六十里  
西北至鄭州一千二百六十里

北至鄭州一百八十六里  
東南至陳州二百六十里

東北至汴州二百三十里  
正南微東至蔡州三百里

貢賦 開元貢鹿心席絹 元和貢絹二十疋乾柿 賦綿絹鹿心席六領

管縣七 長社 長葛 許昌 鄆陵 臨潁 舞陽

扶溝

長社縣 望郭下本漢舊縣屬潁川郡春秋時鄭長葛地其社

中樹暴長漢更名長社後漢屬郡不改隋文帝廢郡以縣屬汴州大業三年改為潁川縣武德四年復為長社改屬

許州

潁水西南自襄城縣界流入

灑水俗名勅水經縣西其源出密縣大騾山

長葛縣 繫南至州六十里 本漢長社縣地置長葛縣屬許州取舊

名

洧水自北流入去縣十三里

長箱城東魏武定五年清河王高岳率眾圍西魏將王思

政於潁川因築此城初以車箱為樓因名長箱城開皇六

年又於此立縣今縣理是

長葛故城縣北十二里

長社故城縣西一里西魏大統十三年詔遣河南行臺大

都督王思政進拔潁川東魏遣將清河王高岳率眾十萬

圍潁川思政不與戰岳造高堰引洧水以灌城十五年潁



川城陷水自東北入城思政為岳所執即此城也

東偏城縣東北五里左傳齊人鄭人伐許，莊公奔衛鄭伯使百里奉許叔居許東偏即此城也

許昌縣上西南至州五十五里本許國為楚所滅至漢為縣屬潁川

郡後漢因之魏太祖迎獻帝都許文帝受禪改為許昌宗忘無許昌縣天平元年復置今縣理是也高齊文帝省鄆

陵入許昌隋文帝又鄆陵縣置洧州以縣屬焉大業二年

廢洧州以縣屬許州初魏武既破黃巾經略四方而苦軍食不足羽林監潁川東祇建置屯田於是任峻為典農

中郎將募人屯田許下得穀百萬斛郡國列置田官數年

之間所在倉儲盈積

洧水西北自長葛縣流入去縣三十里

許昌宮在許昌故城中楊修作許昌宮賦即此宮也魯城縣南西十里左氏鄭伯請以大山之枋易許田而祀周公即此城

景福殿基址今在許昌故城內西南隅

鄆陵縣上西南至州七十五里本漢舊縣屬潁川郡春秋鄭伯克段

於鄆晉楚戰於鄆陵並此地後魏潁川置許昌郡仍立鄆

陵縣以屬焉高齊文宣帝廢鄆以其地入許昌縣隋開皇

三年復置屬許州十六年又於縣理置洧州縣仍屬焉大

業二年廢洧州以鄆陵屬許州洧水西北流入縣經西十里

鄆陵故城縣西北十五里

太丘城縣西南二十里陳寔嘗為此縣長

故陶城縣南五十里相傳晉陶侃征杜弢所築

臨潁縣上西北至州六十里本漢舊縣屬潁川郡歷代因之大業四

年自故城移於今理開皇三年罷郡以縣屬許州建中二

年屬潁州貞元二年州廢依前屬許州

臨潁阜東西長五十里即龍脾峒也嵩高山東南三百里

有龍脾其地沃壤可居即此崗也今臨潁縣理在崗上

潁水西北自長社縣界流入

繁昌故城縣西北三十里魏文帝行至繁陽亭築壇受禪

因置繁昌縣即此城也

舞陽縣上東北至州一百六十里本漢舊縣屬潁川郡在舞水之陽因

名漢封樊噲魏封司馬宣王並為舞陽侯皆此邑自漢至

晉不改宋省開元四年重於故城內置

扶溝縣望西至州一百一十里一本漢舊縣屬淮陽國後漢屬陳留國

魏屬許昌郡高齊文宣帝自今縣北移於今理武德四年

置北陳州縣隸焉其年廢州以縣屬洧州九年洧州廢又

屬許州

沛水縣西二十二里

陳州

淮陽

開元戶五萬二千六百九十二  
元和戶四千三十八

鄉一百四十一

禹貢豫州之域本太昊之墟周武王封媯滿於陳春秋時

楚滅之秦滅楚屬潁川郡漢高帝分潁川置淮陽國後漢

章帝改為陳國獻帝末陳王寵為袁紹所殺國除為陳郡

曹魏後為陳國以東河王植為陳王植子志徙封濟北又

為陳郡晉宋因之東魏孝靜帝以淮南內附置北揚州理

項城乃于項城橋立北丹陽郡及稜陵縣高齊文宣以百

姓守信不附侯景改北揚州為信州周武帝改信州為陳

州開皇二年改為沈州大業二年廢沈州入陳州三年改

為淮陽郡武德元年復為陳州

州境東一百六十九里  
西一百八十里

八到北至上都一千五百二十里  
東至亳州六百六十里

東南至潁州三百里  
北至許州二百六十里

西北至汴州三百一十里  
西南至蔡州二百二十里

東北至宋州二百二十五里

貢賦

開元貢綿絹二百二十五里  
元和貢絹十五足賦粟麥

管縣六 宛丘 太康 項城 南頓 澠水 西華

宛丘縣縣下本漢陳縣春秋時楚滅陳縣之秦漢仍為陳

縣漢屬淮陽國後漢屬陳郡晉屬梁國宋屬陳郡高齊文

宣帝省陳郡仍移項縣理於此隋文帝罷陳郡改項縣為宛丘縣

陳州、城枕蔡水周迴三十里

宛丘縣南三里爾雅陳有宛丘又丘上有丘為宛丘注四方高中央下曰宛

固陵縣西北四十三里項羽敗南走固陵此也

洧水西自許州郟陵縣界流入

蔡州自西北流入經縣理東一里

州理城楚襄王所築即古陳國城也包羲氏神農氏並都於此及楚頃襄王為秦所伐失郟郟徙都於陳卒為秦所

滅

弩臺在縣理古陳城南八十步後漢陳敬王曾孫寵善弩射十發皆同處常於此臺教弩黃巾賊起寵有強弩千張故惟陳國保全開元九年移孔子廟於臺上東門池在州城東門內道南詩陳風東門之池可以沤麻即此池八卦臺及壇縣北一里古伏羲氏畫八卦于此

太康縣緊南至州七十里本漢陽夏縣地屬淮陽國後漢屬陳國後魏孝昌四年置陽夏郡以縣屬焉隋文帝改陽夏為大業縣

蔡水西北自汴州尉氏界流入

潯水首受蔡水東流經縣北

縣理城即漢陽夏縣城夏后太康所築漢五年高祖追擊項羽至陽夏南羽敗走固陵是也

項城縣上西北至州一百里漢項縣古項子國春秋齊師滅項至楚

襄王徙都陳以項為別都按此城即楚築在漢屬汝南郡

晉屬陳國隋文帝改項縣加城字屬陳州東晉孝武敗秦

將符時崇攻陷壽春符堅捨大軍于項城輕騎八千兼道赴

之時有謠曰堅不過項堅出令曰敢言我在壽春者拔其

舌衆諫不從堅遂敗

武丘縣東南四十里本名丘頭魏王陵密謀廢立司馬宣

王將中軍討凌大軍掩至百尺堰凌自知勢窮軍到丘頭面縛水次因改丘頭為武丘以旌其功即此也

小汝水西南流入去縣五十里

公路故城縣東四里漢末袁術所築

故誘城縣北三十里魏毋丘儉作亂西至項鄧艾督軍至樂

嘉以誘之後人因謂之誘城

百尺堰縣東北三十五里司馬宣王討王陵軍至百尺堰

即此地

南頓縣上北至州七十五里本漢舊縣屬汝南郡古頓子國後逼於

陳南徙故號南頓其城楚令尹子玉所築後漢世祖父欽

嘗為此縣今故號南頓君光武生于此縣中宋為南頓郡東魏於

此置和城縣北齊廢郡省縣入和城隋復為南頓縣屬陳

州武德六年省入項城證聖元年以縣有光武鄉名符武

氏遂於此置光武縣中宗復為南頓

潁水縣西北三十里

小汝水縣西南四十里

高陽丘縣南四十里應瑒南頓人兄弟俱有名自比高陽

氏才子故號高陽丘

潁水縣上北至州八十四里本漢汝陽縣屬汝南郡晉屬汝南國宋

又屬汝陽郡隋開皇三年屬陳州十六年改汝陽為潁水

縣建中二年屬潁州興元二年潁州廢改屬陳州

潁水經縣北去縣三里

漑灌城縣東北二十五里本魏將鄧艾所築艾為典農使

行陳潁之間東至壽春艾以為田良水少不足盡地利遂

開築陂塘大興漑灌軍儲豐足因名此城

乾谿臺在縣北三里左傳楚靈王有乾谿之臺即此也

西華縣上東至州八十里本漢舊縣屬汝南郡後漢因之晉無

西華縣宋復置屬陳郡高齊省後魏太和中復置武城縣

神龍元年又為基城景雲復為西華

潁水縣南二十里

元和郡縣志

浦水縣西二十里  
集糧城在縣西十里魏使鄧艾營田築之貯糧故名

元和郡縣志卷第八

元和郡縣志卷第九

河南道五

徐泗州節度使 徐州 宿州 泗州 濠州

蔡州節度使 蔡州 申州 光州

徐州 上 城 開元戶四萬九千七百二 鄉九十二  
元和戶三千八百五十八 鄉八十九

今為徐泗節度理所

管州四 徐州 宿州 泗州 濠州

縣一十六 都官戶三萬七千二百五十二

本禹貢徐州之域春秋時為宋滕薛小邾福陽之地六國  
時屬楚秦并天下為泗水郡楚漢之際楚懷王自盱眙徙



元和郡縣志

浦水縣西二十里  
集糧城在縣西十里魏使鄧艾營田築之貯糧故名

元和郡縣志卷第八

元和郡縣志卷第九

河南道五

徐泗州節度使 徐州 宿州 泗州 濠州

蔡州節度使 蔡州 申州 光州

徐州 上 城 開元戶四萬九千七百二 鄉九十二  
元和戶三千八百五十八 鄉八十九

今為徐泗節度理所

管州四 徐州 宿州 泗州 濠州

縣一十六 都管戶三萬七千二百五十二

本禹貢徐州之域春秋時為宋滕薛小邾福陽之地六國  
時屬楚秦并天下為泗水郡楚漢之際楚懷王自盱眙徙





都之後項羽遷懷王于柳自立為西楚霸王又都於此漢改泗水郡為沛郡又分沛郡立楚國按楚國即今州理是也宣帝地節元年更為彭城郡尋復為楚國自漢以來或理彭城理下邳晉氏南遷又於淮南僑立徐州安帝始分淮北為北徐州宋永初二年加淮南徐州曰南徐州而改北徐州曰徐州明帝時淮北入魏梁初甞收太清之後尋復入魏徐州復理彭城仍立彭城郡高齊及後周不改隋開皇二年於此置總管罷郡其所領縣並屬徐州十四年廢總管府為彭城郡隋亂隋賊武德四年討平王充改置徐州總管府七年改為都督貞觀十七年罷都督初宋高

祖經畧中原以彭城險要置府於此至文帝時王玄謨又上表曰彭城南界大淮左右清汴城隍峻整襟衛周固自淮已西襄陽已北經塗三千達於齊岱六州之人三十萬戶常得安全實由此鎮後魏大將軍尉元上表曰彭城宋之要藩南師來侵莫不用之以凌諸夏輿地志云郡城由來非攻所能拔按自隋氏鑿汴已來彭城南控埧槁以扼汴路故其鎮尤重

州境東西二百六十九里

南北六百八十九里

八到西至上都二千八十里

西至東都一千二百二里

南取埧橋路至定州五百里

西南取蕭縣路至宋州三百十里

西南至蒼州三百九十里  
西北至兗州三百四十里  
東南至泗州五百九十里  
東北至沂州三百五十里  
開元貢五色土各一斗  
貢賦 上細絹 賦用綿絹

管縣五 彭城 蕭縣 豐縣 沛縣 滕縣

彭城縣 望郭 古大彭氏國也漢為彭城縣屬楚國後漢屬

彭城國宋屬彭城郡隋文帝罷郡為縣屬徐州

定國山在縣東四里魏武定五年慕容紹宗欲擊于梁貞陽

侯蕭明營于此山

泗水在縣東去縣十步

州理城貞觀五年築其外城即古大彭氏國漢高祖定天

下以為楚國封弟交為楚王東晉封劉裕為宋公至宋武帝以皇子義康為彭城王並都於此後宋平北將軍徐州刺史薛安都乃舉城歸魏

呂梁故城在縣東五十七里春秋時宋之呂邑至漢以為

呂縣城臨泗水高百四十尺周迴十七里此城東二里有

三城一在水南一在水中潭上一在水北並高齊所築立

鎮以防陳寇

曹公故城在縣東南六十五里在呂梁東岬或言曹公築

此以守呂布西岬有城臨水是布之所固也號曰呂布固

故垞城在縣北二十六里或曰古崇侯國兗州人謂寔中

城曰垓

戲馬臺在縣東南二里項羽所造戲馬於此宋公九日登戲馬臺即此

寒山堰在縣東南一十八里梁蕭明代魏堰清水以灌彭城呂梁在縣東南五十七里蓋泗水至呂縣積石為梁故號呂梁陳將吳明徹以舟師破下邳進屯呂梁堰泗水以灌徐州周將軍烏丸軌達長儒率兵救援軌取車輪數百連鑕貫之橫斷水路然後募壯士夜決堰至明陳人始覺潰亂爭歸至連鑕之處生擒明徹

蕭縣

上 東北至州六十里

本古之蕭國春秋時宋邑漢蕭縣屬沛郡北齊改為承高縣屬彭城郡開皇三年罷郡屬徐州改為龍城縣尋復為蕭縣

丁公山在縣東南二十里丁固追漢高帝處

緩輿山在縣東二十五里宋高祖緩輿里人蓋因里以名山也

智井在縣北二百步左傳楚子伐蕭還無社與司馬言因於智井而極之即此

豐縣

上 東南至州一百七十五里

本漢舊縣屬沛郡戰國屬梁後漢屬沛國晉司宋改屬北

濟陰郡北齊改郡永昌以縣屬焉隋改屬徐州

豐西澤在縣西十五里漢高帝斬白蛇於此

沛縣上東南至州一百四十三里

本秦舊縣泗水郡理於此蓋取沛澤為縣名漢興四年改名沛郡領三十七縣理相城以此為小沛魏分立譙郡又以沛為王國晉不改宋為沛縣改屬徐州隋文帝罷郡縣屬仍舊

微山上有微子冢去縣六十五里

泗水西北流入北去縣五十步

泡水即豐水也西去縣百五十步

縣理城即秦沛縣城也初陳涉起沛今欲以沛應之乃令樊噲召高祖沛令後悔閉城拒守高祖書帛射城上曰諸侯並起今屠沛父老乃殺沛令迎高祖立為沛公十二年高祖破黥布還過沛謂沛父老曰遊子悲故鄉我雖都關中萬歲後我魂魄猶思樂沛且朕自沛公以誅暴亂其以沛為朕湯沐邑

故留城在縣東南五十五里高祖令張良自擇齊三萬戶良曰始臣起於下邳與陛下會留乃封良為留侯故沛宮在縣東南一里高祖過沛置酒歌大風即此宮也泗水亭在縣東一百步高祖微時為亭長于此

滕縣 上 南至州三百里

本古滕國漢舊縣也屬魯國宋屬彭城郡漢末太傅陳蕃子逸為魯相改音皮後魏置蕃郡以縣屬焉北齊郡縣並廢隋于此置滕縣屬徐州按古滕縣國在縣西南十四里滕城是也

奚公山在縣東南六十六里奚仲初造車于此

公丘故城在西南十五里夏侯嬰初為滕令故號滕公按此時高祖未立屬縣故滕為秦縣至武帝改為公丘縣屬沛國

故薛城在縣東南四十三里薛侯國也孟嘗君時薛中六

萬家其中高厚天下無比此田文以抗禦楚魏也合鄉故

城在縣東二十三里即論語所謂互鄉是也

宿州 符離 元和戶八千六百七十六 鄉三十六

本徐州符離縣也元和四年以其地南臨汴河有埭橋為舳艫之會運漕所歷防虞是資又以蘄縣北屬徐州疆界闊遠有詔割符離蘄縣及泗州之虹縣置宿州取古宿國為名也

州境 東西

八到 西北至上都一千九百里

西北至東都一千四百里  
東南至泗州四百二十里  
東南至淮百里與濠州分中流為界從界至濠州一

百里  
北至徐州一百五十里  
西至宋州三百三十里

貢賦 開元貢

管縣三 符離 蘄縣 虹縣

符離縣上 北至州一百五十里

本秦舊縣漢屬沛郡高齊時屬睢南郡開皇三年罷郡以縣屬徐州爾雅曰莞符離也以地多此草故名

睢水自縣西北流入

故相城在縣西北九十里蓋相土舊都也

靈壁故城在縣東北九十里漢二年漢王入彭城項羽以

精兵三萬人晨擊漢軍于靈壁東睢水上大破之睢水為之不流

蘄縣上 北至州二百三十二里

本秦舊縣漢屬沛郡後漢屬沛國有大澤鄉陳涉起兵于此為狐鳴宋於此置譙郡齊以為北譙郡後魏改蘄縣為蘄城縣隋開皇三年去城字屬仁州大業二年屬徐州八年屬譙州後復隸徐州

淮水西南流入經縣南七十里

渙水西自臨渙縣界流入

渦水南去縣七百里 蘄水去縣三十里

虹縣 上 西至州二百里

本漢舊縣屬沛郡虹音貢 漢書作虹<sup>球</sup>字梁武帝於此置貢城成後魏復置虹縣周大象中省以地屬晉陵縣開皇十八年改晉<sup>陵</sup>為夏丘縣武德四年於今縣南百里故虹城重疊置虹縣屬仁州貞觀八年屬泗州十三年移今理縣臨汴河

赤坎故城在縣西南五十九里梁天監八年置赤坎戍潼陂一名萬安湖周迴二十里在縣北五里

垓下聚在縣西南五十四里漢高祖圍項羽於垓下大破之即此地也按漢浚縣屬沛郡垓下即浚縣之聚落名也

浚音絞 圖經云項羽墓在縣南六里按羽死後高祖以魯公禮葬羽於穀城在今鄆州東阿縣界言在此俗說之謬也

廣濟渠按開元二十七年河南採訪使齊澣以江淮運漕經淮水波濤有沉溺之憂遂開廣濟渠下流自虹縣至楚州淮陰縣北十八里合於淮踰時畢功後以水流峻急行旅艱阻旋又停廢却由舊河

泗洲上

臨淮 開元戶三萬三百五十五 元和戶四十一十五

鄉六十 鄉五十

禹貢徐州之域春秋時屬魯又為徐子之國後為楚所滅秦為泗水郡地漢興改泗水為郡武帝分置臨淮郡後漢

下邳太守理此自晉迄後魏並為宿預縣後魏於此置東  
徐州周宣帝大象二年改為泗州大業三年改為下邳武  
德四年復為泗州開元二十三年自宿遷縣移於今理

州境東三百八十五里

八到西北至上都一千三百二十里

西北至東都一千四百七十里

東南陸行至揚州二百七十三里

東水路至楚州二百二十里

西南至濠州二百一十里

西北至埭橋四百二十里

貢賦開元貢麻布細貨布

官縣五 臨淮 宿遷 徐城 連水 下邳

臨淮縣緊郭下

本漢徐縣地長安四年分徐城南界兩鄉於沙塾村置臨  
淮縣南臨淮水西枕汴河開元二十三年自宿遷移於今

宿遷縣 上 南至州二百二十里

春秋時宋人遷宿之地至漢為公猶縣屬臨淮郡晉安立  
宿預縣開皇三年屬泗州寶應元年以杞代宗廟諱改為

宿遷縣 淮水入縣境南與楚州山陽縣分中流為界

舊州城梁將張惠紹北入軍所次憑固斯城墜其羅引水  
環之今城在泗水之中



元和縣志  
下相故城在縣西北七十里秦故縣也項羽即下相人也  
應劭曰相水出沛國亦曰下相

魯肅廟在縣東南一里肅臨淮人後人為之立廟

徐城縣 中東至州五十里

本徐子國也周穆王末徐君偃好行仁義視物如傷東夷  
歸之者四十餘國穆王聞徐君威德日遠乘八駿之馬使  
造父御之發楚師龍襲其不備大破之殺偃王其子遂北徙  
彭城原東山之下百姓歸之號曰徐山按山今在下邳縣  
界楚漢之際項羽置東陽郡漢誅英布置徐縣屬臨淮郡  
後漢以臨淮郡合於東海明帝又分東海為下邳國理於

此晉太康三年復置徐縣屬臨淮郡梁於此置高平郡及  
高平縣開皇十八年改為徐城縣泗州理大徐城大業四  
年移於今理

淮水西南自虹縣界流入

永泰湖縣南二里周迴三百六十三里其中多魚尤出朱  
衣鮒

大徐城在縣北三十里

徐君墓在縣北三十二里季札掛劍處

漣水縣上 西北至州一百六十里

本漢朐猶縣之地後漢為徐縣之地晉為宿遷縣之境宋

明帝於此置東海郡又於城北置襄贛縣屬焉後魏改為海安郡開皇三年廢郡以縣屬海州五年改襄贛為連水縣因縣界有連水故名武德四年置連州縣屬焉貞觀元年廢連州縣屬泗州

海水在縣東北一百四里

淮水西南自宿遷縣界流入

沐水俗名連水西南自海州沐陽縣界流入

碩濩湖在縣北一百一十六里與海州朐山縣中分為界

下邳縣上東南至州一百七十五里

本夏時邳國後屬薛左傳薛之祖奚仲遷於邳是也春秋

併於宋戰國時屬楚後屬齊至秦曰下邳縣漢屬東海郡魏志曹公征呂布于下邳生擒布令東中郎將鎮下邳宋改為下邳縣屬東徐州周改東徐為邳州隋省邳州以縣屬泗州

嶧陽山在縣西六里

泗水西自彭城縣界流入

淮水自縣西流入去縣六十里

沂水經縣北分為二水一水於城北西南入泗一水經城

東屈曲從縣南亦注泗謂之小沂水水上有橋昔張子房

遇黃石公於圯上即此處也南人謂橋為圯故邾城在縣

東北一百五十里古郟於國城孔子問鳥官於郟子即此地也

縣理城古郟國城也魏武征呂布於下邳決泗水引沂水以灌其城即此處也按下邳城有三重大城周迴十二里半中城周四里呂布所守也魏武擒布於白門即大城之門也小城累塼堅峻周二里許西南又有一小城周三百七十步征虜將軍石崇所築也石鯨屯晉穆帝升平初荀羨為北部都尉鎮下邳起田於東陽之石鯨在縣臨津郡界公私利之北齊廢帝乾明中尚書在丞蘇珍之又議修石鯨等屯歲收數十萬石自是淮南軍防糧儲充足

濠州 鍾離

開元戶二萬五百五十二 元和戶二萬七百二

鄉四十一

禹貢揚州之域春秋時為鍾離子之國後為吳楚所爭之地左傳楚子為舟師以略吳疆滅鍾離又史記楚平王時鍾離人與吳邊邑卑卑梁小僮爭桑而二邑交相攻滅秦并天下屬九江郡漢置鍾離縣復隸九江郡晉立為鍾離郡宋因之宋明帝失淮北地復立徐州於此後廢帝改號北徐州梁因之以昌義之為北徐州刺史鎮鍾離魏鍾山王元英將軍楊大眼率眾數十萬來寇鍾離城北阻淮水魏人于州東邵揚州作浮橋晝夜攻城分番相代義之善射每彀弓所向莫不應弦而倒一日戰數十合魏軍死者

與城中平會高祖遣曹景宗帝敵二十萬來救魏軍大敗  
 英與大眼脫身而走因輕騎追至洛口州後入高齊文宣  
 帝改為西楚州隋開皇三年改濠州因水為名大業三年  
 改為鍾離郡南北朝皆為重鎮隋亂隋賊武德五年杜伏  
 威附改為濠州按濠州本屬淮南與壽陽阻淮帶山為淮  
 南之險貞觀元年竇叅為相於是據淮割地隸屬徐州及  
 徐州郡度使張建封死子愔為本軍所立常挫王師其時  
 朝廷幾失淮南之地益叅不學無術昧于疆理之制所由  
 致也自貞元以後州西馬口對岍置兩城刺史帝帶兩城  
 使以守其要濠字中間誤去水元和三年又加水馬

州境 東二百六十里 西一百八十一里 南一百一十里 北取虹縣路至上都二千三百七十五里  
 八到 東至楚州一百九十里 西至楚州一百二十里 南至壽州二百二十里 東至廬州三百三十里 東北至泗州三百二十里 西北至徐州四百五十里

貢賦 開元 賦 官純 緇純 綿布

管縣三 鍾離 定遠 招義

鍾離縣上郭下

本漢舊縣屬九江郡至晉屬淮南郡安帝時因東郡燕縣

流入鍾離者於此置燕縣至高齊復為鍾離縣

塗山在縣西九十五里

淮水自西南自壽州界流入

西濠水出縣南濠塘山東北入淮

當塗縣故城本塗山氏國在縣西南百一十七里禹娶於塗山即此也

荆山堰在郡城西百一十二里梁天監十四年魏降人王足陳計於武帝求堰淮水以灌壽陽引此方童謠曰荆山為上格浮山為下格潼池為激溝并灌鉅野澤帝遂發徐陽人率二十戶取五丁以築之令太子右衛率康絢左衛

將軍昌義之護作合戰士二十萬人於鍾離南起浮山堰北抵峻石至十四年四月堰將合淮水漂度輒復決潰或言江淮多蛟龍其性惡鐵於是東西二治故鉄器大則釜萬小則鑊鉏數千萬斤沉于堰所猶不合緣淮百里內木石皆盡負者有上皆穿士卒死者十七八年四月堰乃成壽陽城戍移頓於八公山淮水清人之坟墓皆歷見於水底或謂絢曰四瀆者天地所以節宣其氣不宜久塞既而昏霧三日霧解而堰決殺救萬人其散若雷聞於三百里水中怪物随流而下或人頭魚身龍形馬首殊類詭恠不可勝言

東濠水出縣南濠塘山東北入淮

莊周臺在縣西南七里濠州水經其前莊子與惠子觀魚之所又曰觀魚臺

定遠縣 上北至州一百里

本漢東城縣地屬九江郡梁武帝天監初置屬定遠郡高齊改為大安郡仁壽元年廢郡改定遠縣為臨濠縣屬濠州國朝復為定遠縣

洛水經縣西四十里

陰陵縣故城在縣西北六十五里本漢縣也項羽敗於垓下將麾下八百騎潰圍南走灌嬰追羽至陰陵羽迷失道

問田父田父給曰在左乃陷大澤故漢兵及之

東城縣故城在縣東南五十里羽自陰陵至此尚有二十人騎南走至烏江亭灌嬰等追羽揚善斬羽於東城即此地

招義縣 上西至州一百四十里

本漢淮陵縣屬臨淮郡後漢屬下邳郡宋孝武自淮北徙睢陵縣改為池南縣陳為招義縣大業元年為化明縣屬濠州武德七年更名招義

淮水西自鍾離縣界流入

浮山堰在縣西北六十里梁天監十三年與荆山堰同時

修築

蔡州蔡州

開元戶五萬一千二百一十  
元和戶一萬二千六百一十三

鄉一百一

今為蔡州節度理所

管州三

蔡州

申州

光州

縣十二

右豫州之域春秋時蔡江黃道柏胡蓼沈頓項息房呂十  
三國之地七國時屬魏秦兼天下為三州河東南陽潁川  
碭泗水薛七郡之地漢立汝南郡領二十七縣理平輿  
宋元嘉中後魏太武率兵圍汝南郡守陳憲守拒四十餘  
日魏人積屍与城齊不拔而退宋文帝又於懸瓠城今理  
置司州其後太武收河南地獻文改司州為豫州周大象

二年改為舒州隋文改為豫州移入懸瓠城今理是也仁  
壽四年改為溱州大業二年改蔡州三年罷州為汝南郡  
武德四年復置豫州寶應元年以避代宗廟諱復改為蔡

州

州境 東西四百一十七里  
南北五百一十三里  
西北至上都一千四百三十里  
西至上都六百二十里  
南至申州二百五十里  
西至唐州二百一十里  
東北至潁州三百二十里  
東至潁州三百六十里  
東南至光州三百二十里

貢賦 開元貢 龜甲雙鴻鵠綾長安四年改為四窠雲綾

管縣十二

汝南

汝陽關

平輿

吳房

西平

朗山

新息

真陽

上蔡

新蔡

褒信

鄧城

汝南縣望郭下

管四界

本漢舊縣也屬汝南郡晉屬汝南國宋屬汝陽郡隋開皇二年罷郡縣屬豫州仁壽四年改豫州為濠州以縣屬焉大業二年又移於今理屬蔡州

汝水經縣西南二里

州理城古懸瓠城也汝水屈曲形若垂瓠故城取名焉平

輿故城漢縣也古沈子國在縣東北六十里

鴻却陂在縣東十里成帝時陂溢為害翟方進為丞相以

為決去陂水其地肥美省隄防之費遂奏罷之王莽時嘗

枯旱郡人追怨方進童謠曰壞陂誰翟子威飯我豆食羹

成芋魁反手覆陂當復誰者云西黃鵠及建武中太守鄧

晨使許陽為都水掾令復鴻却陂陽曰昔成帝夢上天

帝怒曰何故壞我濯龍池於是乃回高下形勢起塘四百

餘里數年乃立今廢

平輿縣中 西至州六十二里

本漢平輿縣地屬汝南郡高齊廢大業二年重置十三年



隋王世充置輿州管平輿一縣武德中屬蔡州貞觀元年廢天授二年重置

汝水在縣南四十二里

葛陂周回三十里在縣東北四十里費長房投杖成龍處

吳房縣上東南至州九十里

本漢舊縣屬汝南郡後魏置襄城郡仍立遂寧縣以屬焉

隋改為濯陽縣大業二年改為吳房縣

西平縣上東南至州一百五十里

本漢舊縣屬汝南郡後魏置即春秋時柏國也古韓地之

分蘇秦說韓王曰韓有劍戟出於棠谿今此縣西界有棠

谿卽是也縣又有龍泉水可以淬力劍自漢至後魏皆為

西平縣地隋末廢天授三年復置

朗山縣上東北至州九十一里

本漢安昌縣地屬汝南郡漢省後魏太武真君二年於朗

陵故城復置隋開皇三年移於今理屬豫州十六年改為

朗山縣

朗陵山一名大朗山在縣西北三十里

淮水經縣理南去縣一百二十里

道城古道國也在縣東北二十里

朗陵故城漢縣也在縣西南三十五里晉何曾所封之邑

也

四望故城在縣東南七十里後魏太和十一年豫州刺史王肅於四望陂南築之以禦梁、太清二年豫州刺史羊鷓仁以二魏交逼糧運懸斷乃棄懸瓠歸於義陽上表曰臣輒率所領縮還舊鎮仍留夏紹等停四望城防備即此城也

新息縣 上 西北至州二百里

本息侯國為楚所滅漢以為新息縣屬南郡周武帝於此置息州領此縣隋大業二年州廢改屬豫州武德四年於此重置息州貞觀元年廢以縣屬豫州

淮水自西流入經縣南去縣五里

汝水自西流入經縣北去縣八十里

王梁渠在縣西北五十里隋仁壽年修築開元中縣令薛務更加疏導兩岍通管陂一十六所利田三千餘頃

珉玉坑在五息城東南五步周迴一百八十步深三尺其玉顏色潔白堪為器物隋朝官採用貞觀中亦令採取其後為淮水所沒開元中淮水東移珉坑重出其玉溫潤倍勝昔時蔡州至今以為厥貢之首

賈君祠在縣北一里名彪字偉節後漢時為新息長人例不養子彪嚴其制所活數千僉曰賈父後為立祠

新息故城在縣西南十里  
真陽縣 中北至州一百里

本漢慎陽縣屬汝南郡晉汝南國後魏改為真陽縣高齊  
改為保城縣開皇十六年改置真丘縣大業二年復為真  
陽縣因慎水為名也

淮水經縣南去縣八十里

慎水出縣西南二十里

上蔡縣 上南至州七十里

本漢舊縣也古蔡國晉上蔡縣屬汝南國後魏神龜三年  
於此置臨 縣高齊廢隋文開皇十二年移於今理為上

### 蔡縣

蔡崗在縣東十里週迴五十里

汝水西去縣十五里

新蔡縣 上西北至州一百五十里

本漢舊縣古呂國也漢屬汝南郡晉屬汝陰郡宋屬新蔡  
郡東魏孝靜帝於此置蔡州開皇十六年於此置舒州領  
大寧縣仁壽二年改縣為汝大業二年改為新蔡縣屬  
蔡州

汝水經縣南去縣

褒信縣 中西北至州一百八十里

本後郟縣之地後魏分立褒信縣屬汝南郡晉屬汝陰郡宋改為褒信縣大業二年改褒信縣屬蔡州

淮水注縣南去縣七十五里

汝水經縣東北去縣五十五里

白亭在縣東南四十二里左傳楚白公勝所封之地

郟城縣緊東南至州一百八十里

本漢七國時魏之下邑史記楚昭陽伐魏取郟兩漢以為縣屬潁川郡光武謂賈復曰郟最大宛次之復曰臣請擊郟帝執復手曰執金吾擊郟吾復何憂謂此城也宋元嘉二年將軍劉緬說曰郟城有百年之福若北朝保之未可

敵也遂遣將軍殷祖焚其倉糧高齊於今縣置臨潁郡開皇三年廢五年又於廢郡城中置郟城縣屬許州武德四年於此置道州貞觀元年廢以縣屬豫州

汝水經縣西北去縣七十八里

大澗水上承汝水自襄城至歧額城分流南為汝水北為

澗水

小澗水縣西北六十里至縣合為大澗水

邵陵故城在縣東四十五里春秋齊桓公帥諸侯之師盟

於邵陵即此處也漢置邵陵縣屬汝南郡隋廢入郟城

征羗故城在縣東南七十五里本秦安陵縣建武十二年

來歙征西羌有功故改名以封之

申州中義陽本屬淮南道貞元以後隸蔡州節度

開元戶二萬一千二十  
元和戶六百一十四  
鄉四十二  
鄉二十一

禹貢荊州之域又古中國也鄭武公娶於申曰武姜在周為侯伯後為楚所滅秦并天下屬南陽郡魏文帝分置義陽縣自後省置不常宋元嘉末於此立司州自後入後魏為郢州入梁為司州周武帝平齊改為申州大業二年改為義州武德四年後置申州

州境東西二百里  
南北一百七十八里  
八到西至上都一千七百里  
西北至東都九百四十二里

東北至光州二百六十里  
南至安州二百六十里  
西北至唐州二百六十里  
西南至隨州二百三十里  
北至蔡州二百八十里

貢賦開元貢葛十疋  
賦市綜綿絹

管縣三 義陽 鍾山 羅山

義陽縣郭上

本漢平氏縣義陽鄉之地也魏文帝分平氏立義陽縣江左省義陽縣地入平春縣晉孝武帝改平春曰平陽隋開皇三年改平陽為義陽縣屬申州大業三年改屬義州皇

朝復屬申州

淮水西自唐州桐柏縣界流入東北經縣去縣三十七里故曹城在縣東三十八里梁將曹景宗將兵侵魏所築故平靖閔城在縣南七十六里舊有此閔不知何代創立接義陽有三閔之塞此其一也武陽黃峴二閔在安州應山縣界長老云此閔因山為障不營濠墜故名平靖鐘山縣上西至州四十里

本漢鄆縣也屬江夏郡宋永初屬義陽郡高齊於此置齊安郡後改為萬歲郡開皇三年罷郡為齊安縣仍屬申州四年以近鍾山改齊安為鍾山縣

淮水經縣北四十里

澁水出縣南霸山去縣七十五里山石之間波流塞澁因以為名

右城在縣西南二十一里石城山上本晉義陽縣所理羅山縣上西南至州一百一十里

本漢鄆縣地梁武帝置西汝南郡於此開皇三年併入鍾山十六年於鍾山析置羅山縣屬申州武德四年置南羅州領羅山一縣八年州廢以縣屬申州羅山在縣西南九里

淮水經縣北去縣二十里

光州弋陽本屬淮南道貞元已後隸蔡州節度

開元戶二萬九千六百九十五  
元和戶一千九百九十

鄉六十一  
鄉六十二

禹貢揚州之域春秋時弦國之地魯僖五年楚人滅弦  
子奔黃在秦屬九江郡在漢為西陽屬江夏晉安帝立光  
城縣理於此梁末於縣置光州大業二年罷州為弋陽郡  
武德三年改為光州總管府貞觀元年為光州總管府太  
極元年自光山縣移今理

州境東西四百四十三里  
南北二百三十五里  
八到  
東北至上都一千七百三十里  
西北至壽州四百二十里  
西南至東都九百二十里  
東南至申州二百六十里  
東南至大別山三百里  
西南至蔡州三百里

貢賦 開元貢賦

葛十疋 絹

生石斛六十斤

管縣五

定城

殷城

固始

光山

仙居

定城縣 郭下本漢弋陽縣屬汝南郡自漢至蕭齊常為弋

陽城武德三年置絃州領定城一縣貞觀元年省定城屬

光州

淮水北去縣六十七里

黃國故城在縣西十二里春秋時黃國後為楚所滅

殷城縣中北至州本漢期思縣地屬汝南郡宋僑立苞

信縣於此梁以苞信縣為義州隋開皇四年改苞信縣為

臺灣國家圖書館 NATIONAL CENTRAL LIBRARY TAIWAN R.O.C.

殷城縣屬弋陽郡武德三年重置義州以縣屬光州  
澮水在縣西五里

定城關在縣南四十里高齊以南迫陳境因置此關隋廢  
溫湯在縣南山中其湯綠色

固始縣上西南至州一百五十五里

本漢封蓼侯之地春秋蓼國楚并之今縣城是也自東晉  
已後蓼縣省宋明帝失淮北地乃於僑立新蔡郡領固始  
一縣開皇七年改屬義州大業三年廢義州屬弋陽郡

淮水經縣北八十里

茹陂在縣東南四十八里建安中劉馥為揚州刺史興築

以水溉田

孫林教祠在縣西北隅七十五里

光山縣上北至州三十里

本漢西陽縣也屬江夏郡魏屬弋陽郡宋孝武帝大明初  
於此立光城縣隋開皇三年廢入樂安縣十八年又置光  
山縣

光山一名弋山在縣西北八十里

淮水經縣北七十里

木陵故關在縣南一百三十二里齊魏二境齊置此關以  
為禁防周因不改隋開皇九年平陳後廢



元和郡縣志  
仙居縣中東至州一百里

本漢軹縣音第春秋時弦國楚滅之漢以為縣屬江夏郡  
至宋分立樂安縣天寶元年改為仙居縣西有仙居因  
名

谷水在縣北九里

軹縣故城在縣北四十里春秋時弦國之都也

仙堂上陂在縣西南十一里梁武大同元年百姓堰谷水  
為六陂以溉稻田

元和郡縣志卷第九終

元和郡縣志卷第十

河南道六

淄青節度使管下州

鄆州 兗州 青州

齊州以後分

濮州 密州 海州

沂州 淄州 萊州 登州

鄆州東平 開元戶三萬三千三百八十九 鄉六十二

大都督府 元和戶今為淄青節度理所自曹州以下分入下卷

管州十二 鄆州 兗州 青州 齊州 曹州

濮州 密州 沂州 淄州 萊州

登州 海州

卷十

元和郡縣志  
仙居縣中東至州一百里

本漢軹縣音第春秋時弦國楚滅之漢以為縣屬江夏郡  
至宋分立樂安縣天寶元年改為仙居縣西有仙居因  
名

谷水在縣北九里

軹縣故城在縣北四十里春秋時弦國之都也

仙堂上陂在縣西南十一里梁武大同元年百姓堰谷水  
為六陂以溉稻田

元和郡縣志卷第九終

元和郡縣志卷第十

河南道六

淄青節度使管下州

鄆州 兗州 青州

齊州以後分入下卷

濮州 密州 海州

沂州 淄州 萊州 登州

鄆州東平 開元戶三萬三千三百八十九 鄉六十二

今為淄青節度理所自曹州以下分入下卷

管州十二 鄆州 兗州 青州 齊州 曹州

濮州 密州 沂州 淄州 萊州

登州 海州

卷十

禹貢兗州之域春秋時屬宋即魯附庸須句國音太昊之後風左傳曰公伐邾取須句戰國時其地屬魏秦為薛郡地在漢為東平國屬兗州後漢封皇子蒼是為憲王宋及後魏並為東平郡周宣帝於此置魯州尋廢隋分兗州為安縣置鄆州大業三年罷州為東平郡隋亂陷賊武德五年討平徐圓朗於今鄆城縣置鄆州為總督府本理鄆城貞觀八年以下濕移理須昌貞元三年為都督府

州境 東西一百八十七里 南北二百六十四里 西南至上都九百二十里 西南至上都一千一百二十里 東北至齊州二百八十里 東南至兗州一百九十里

西至曹州三百三十里 北渡河至博州一百八十里 貢賦 開元賦 賦 綿 絹 一十五疋

管縣十 東平 須昌 陽穀 壽張 盧縣 東阿 鄆城 鉅野 平陰 中都

東平縣郭下 古宿國左傳曰公及宋人盟於宿是也後齊為無鹽地漢於此置宿昌縣屬東平郡縣理無鹽城隋別置須昌縣屬鄆州改漢須昌縣為宿城縣貞元三年移於州理改為東平縣

須昌縣郭

本漢舊縣屬東郡故須句國按此前須昌縣在今縣東南

三十二里須昌故城是也隋改須昌為宿城縣更立須昌  
縣於今理屬鄆州縣在州南四十五步  
濟水南自鄆城縣界流入去縣西二里

州理故須句城左傳任宿須句顓臾皆風姓也注曰須句  
雖列國而削弱不能自通魯私屬若顓臾之比也

無鹽故城在縣東三十六里古宿國也列女傳曰無鹽者  
醜女名宿瘤齊宣王善之立為夫人即此縣女也

清水石橋在縣西三里隋仁壽元年造石作華巧與趙州  
石橋相埒長四百五十尺

東平思王字墓在東四十九里漢東平思王宇宣帝後

薨葬於此其冢松柏皆西靡王奢侈生葬所愛幸者守冢  
者常聞號呼數年後乃不復聞報

陽穀縣 上 東南至州七十五里

本漢須昌縣地隋於此置陽穀縣取東阿縣界陽穀亭為  
名也屬濟州天寶十三年濟州為河所隔沒以縣屬鄆州  
黃河在縣北十二里

故伏城在縣東南二里蓋伏生所居因名之

壽張縣 紫 東北至州四十五里

本漢壽良縣也屬東郡後漢光武以妣父名良改曰壽張  
屬東平郡開皇三年罷郡屬濟州十六年割屬鄆州武德

四年屬壽州五年廢壽州屬鄆州

梁山在縣南三十五里漢書曰孝王北獵梁山是也壽州故城在縣東南十五里隋末百姓築以為堡武德四年於此置壽州

呂母垓在縣東南三十三里五後漢東海呂母合眾於此充州人謂城實中曰垓

虛縣緊東南至州一百里

本漢舊縣也屬泰山郡都尉理之濟北王所都後漢虛縣屬濟北國宋屬北郡開皇三年罷郡縣屬濟州大業三年復為濟北郡武德四年討平王充復為濟州按濟州理碣

碣城碣音教碣若高反本秦東郡之莒平縣也其城西臨黃河晉

末為河水所毀移理河北博州界事其博州宋元嘉二十一年寧朔將軍王玄謨前鋒入河平碣立戍守之都督劉義恭以沙城不堪守召玄謨毀城而還後更城之後魏略得河南置鎮守八年於此置濟州至天寶十三載州為河所陷廢

碣城津在縣北一里後魏於此置閔名濟州閔隋末廢劉公橋架濟水在縣東二十七里宋武帝伐燕過此造橋故俗呼為劉公橋隋末廢貞觀元年重造長十二丈濶一丈二尺

東阿縣 南至州五十里

本漢舊縣也春秋時齊之柯地左傳曰公會齊侯於柯注曰此柯今濟北東阿齊之柯邑猶祝阿也漢志東阿縣屬東郡都尉理晉屬濟北國開皇三年屬齊州天寶十三載濟州廢縣屬鄆州

魚山一名吾山在縣東南二十里欽子歌曰我山平分巨野溢魚沸鬱兮近冬日即此山也曹子建每登此山有終焉之志及亡葬於山下  
穀城山在縣東三十二里黃石公出一編書與張良曰後十二年孺子見我濟北穀城山下黃石即我也其處焉

東阿故城在縣西二十里漢東阿縣城也晉太康後省魏志程昱謂范令靳允曰曹使君智殆天所授君必固范成守東阿則田單之功可立謂此城也水經注曰東阿大井巨若輪深七八丈每歲取此水煮膠入貢本草所謂阿膠也

陽穀亭在縣東南四十二里左傳齊桓公會諸侯于陽穀是也

項羽墓在縣東二十七里初羽為魯公羽死後魯猶為楚守漢王示以羽首魯乃降羽死乃以公禮葬於此

鄆城縣 縣東北至州一百里

本漢壽良縣地左傳曰晉人執季文子於莒丘還待於鄆  
按古鄆城即今縣是也漢魏皆為壽張縣地開皇四年改  
為萬安縣十六年於此置鄆城縣貞觀八年移鄆州於須  
昌縣鄆城依舊

黎丘在縣西四十五里春秋時黎侯寓於衛因以為名黎  
之臣子諷衛侯歸國作詩曰胡為乎泥中蓋惡其卑濕也  
鉅野縣望西北至州一百二十里

本漢舊縣也屬山陽郡鉅野澤在縣東五里即魯西狩獲  
麟處武德四年於此置麟州其地以是獲麟之地故以為  
名五年廢麟州以縣屬鄆

獲麟堆在縣東十二里春秋時十四年經曰西狩獲麟大  
野澤一名鉅野在縣東五里南北三百里東西百餘里爾  
雅十藪魯有大野西狩獲麟於此澤

蚩尤墓在縣東北九里今山陽鉅野縣有蚩尤肩髀冢按  
黃帝殺蚩尤於涿鹿之野身體異處故別葬焉

平陰縣上西南至州一百二十里

本漢肥城縣地屬泰山郡古肥子國開皇十四年於今縣  
西北二十八里置榆山縣大業二年移於今理仍改名平  
陰屬濟州天寶十三載州廢縣割隸鄆州  
陶山在縣東三十五里范蠡墓處

黃河去縣十里

平陰故城在縣東北三十五里左傳曰晉侯伐齊侯禦諸平陰

故長城首起縣北二十九里齊湣王所築蘇代謂燕王曰齊有長城巨防足以為塞是也

左丘明墓在縣東南五十五里

中都縣上西北至州一百里

一本中都在兖州之末本魯國邑也定公以孔子為中都宰一年四方皆則之禮記曰夫子制於中都四寸之棺五寸之槨由中都宰為司寇故城在今縣西三十九里一名

殷密城至漢以其地為東平陸縣屬東平國齊高帝改平陸縣為樂平縣隋復改樂平為平陸縣屬兖州天寶元年改為中都割屬鄆州今却隸兖州

汶水北去縣二十四里又北入西昌縣界

桓水在縣西八十里晉桓溫進軍北次金鄉鑿鉅野三百

里以通舟運自清水入河以是所鑿故曰桓水亦曰桓河

兖州魯郡都督府開元戶六萬七千三百九十七鄉一百三十三元和中

禹貢兖州之域兼得徐州之域春秋時為魯國按武王即位封周公于少昊之墟曲阜之地周公不就封留佐武王

武王崩又相成王其子伯禽乃就封之魯自伯禽至頃公



三十四君為楚考烈王所滅六國時地屬楚秦滅楚以魯為薛郡漢高后時更為魯國後漢仍為魯國兗州所理不恒獻帝初平三年移兗州理濟陰之鄆城以魏太祖曹操為兗州牧魏仍移兗州理東郡之廩丘晉不改永嘉之後陷于石勒北州流人南渡成帝立南兗州寄理京口宋武平河南又得其地置兗州後又屬魏宋文帝元嘉八年理廣陵二十八年理盱眙三十年復理廣陵大業元年于兗州置都督府二年改為魯州三年改為魯郡十三年為賊徐圓朗所據武德五年討平圓朗改魯郡置兗州貞觀十四年改置都督府謹按禹貢導洸水東流為濟截河南渡

東與荷澤洸水會又東北入於海兗州在濟河之間因濟水發源為名今郡理乃非其境至周置兗州始兼得今郡之地而濟水自王莽末入河河流於海則河南之地無濟

水矣自後所說皆習舊名

州境東西三百三十一里

八列西南至上都一千八百九十五里

東至沂州三百八十里

西至曹州三百七十里

東南至徐州一百九十里

貢賦 開元貢 鏡花綾二十疋

賦 綾 絹 綿

防風二十斤

管縣十一

瑕丘

金鄉

魚臺

鄒縣

壑丘

乾封

萊蕪

曲阜

泗水

任城

中都見鄆州

瑕丘縣上鄆下

本漢縣屬山陽郡即魯之負瑕邑也左傳曰季康子伐邾子益來因諸負瑕宋元嘉十三年立兖州理瑕丘城而瑕丘無縣至隋文帝割鄒縣汶陽平原三縣界立瑕丘縣屬兖州

洙水東去縣二十三里

泗水東自曲阜縣界流入與洙水合

淮王神通營在瑕丘故城中武德五年平賊徐圓朗屯兵之處也

又有管國公任瓌薛國公長孫順德原國公史萬寶壘列營相次各周迴五里

堯祠在縣南七里洙水之西

金鄉縣望 東北至州一百八十里

本漢東緡縣也屬山陽郡即古之緡國城左傳曰夏桀為仍之會有緡叛之陳留風俗傳曰東緡縣者故陽武尸牖鄉也漢丞相陳平即此鄉人也後漢於今兖任城縣西南七十五里置金鄉縣蓋因穿山得金故曰金鄉屬山陽國

武德四年於此置金州五年廢為戴州貞觀中廢戴州縣  
屬兗州

昌邑故城在縣西北四十二里其中城周十餘里外城周  
三十餘里中有鐵柱出地數尺漢景帝三年吳楚趙膠西  
濟南菑州膠東七國俱反天子命條侯周亞夫將三十六  
軍擊吳楚亞夫至淮陽問父客鄧都尉策安出客曰莫若  
引兵東北壁昌邑以梁委吳將軍深溝高壘使輕兵絕淮  
泗口塞吳饒道吳梁相弊乃以全制其極破吳必矣條侯  
從之吳王以正月起三月皆破滅即此城也

魚臺縣

上

東北至州

一百九十里

本漢方與縣屬山陽郡高齊文宣帝廢開皇

年復置

方與縣屬戴州貞觀十七年廢戴州縣屬兗州寶應元年

改為魚臺縣因縣北有魯君觀魚臺故名

縣理城即漢方與城也

蒗水即濟水也一名五大溝西自金鄉縣界流入去縣十  
里又東南流合泗水泗水東北自任城縣界流入經縣東  
與蒗水合又東流入徐州沛縣界

觀魚臺即武唐亭也在縣北十三里隱公五年矢魚于棠  
是也

太山府君祠在縣西十二里

鄒縣上

本漢鄒縣地故邾國魯之附庸魯穆公改邾為鄒因鄒山以為縣大業二年改兗州為魯州三年罷魯州為魯郡縣皆屬焉武德五年罷縣屬兗州按邾國之地陸終之子曹姓所封即今鄒縣是也今黃州也又為國之地陸終之後所封蓋陸終有六子各為國也

嶧山一名鄒山在縣南二十二里始皇二十六年觀禮于魯刻石於嶧山晉建武初兗州寄理山上洛陽傾覆郝鑿獲歸州鄉人士並宗附之遂共推鑿為主與千餘家避難于嶧山中宗假鑿將軍兗州刺史鎮鄒山後為石勒所侵

逼鑿率文武自嶧山奔下邳

鳧山在縣東南三十八里詩曰保有鳧繹遂荒徐宅即此山也

龔丘縣 中 南至州五十里

本漢寧陽縣之地屬泰山郡後漢改屬東平國高齊文宣帝移置平原縣於漢寧陽縣城北十七里今縣理也隋以此縣與德州平原縣同名以縣東南二十里有龔丘城遂改為龔丘縣屬兗州

青石山在縣西三十里後魏有青石山祠即謂此也其山都是一大石耳發地傑立高四十餘丈周迴三里上有石

池二所東西行列有類人工冬夏澄清初無耗溢祈雨輒  
應古今祀之

故汶陽城在縣東北五十四里其城側土田沃壤故魯號  
汶陽之田成二年齊歸我汶陽之田即此

乾封縣上 西南至州一百六十里

本齊之博邑延陵季子遷齊子死葬于羸博之間至漢武  
帝封禪分羸博二縣立奉高縣以奉山之祀後魏改博縣  
為博平開皇十七年改博平為博城縣乾封元年高宗封  
岳折長安以置乾封長安元年廢乃於岱山下改博城縣  
為乾封縣屬兗州

泰山一曰岱宗在縣西北三十里

社首山在縣西北二十六里

高里山亦曰蒿里山在縣西北二十五里

但徠山亦曰尤來山詩曰徠之松後漢赤眉渠帥樊崇  
保守此山自號尤來山老

汶水源出縣東北原山西南流經縣理南去縣三里又有  
北汶羸汶柴汶牟述征記曰太山郡水皆名汶按今縣界  
凡有五汶皆源別而流同也

開元十三年冬玄宗登封太山登封之夕凝氛昏晦迅風  
激烈皇帝出齋宮露立以請及明清霽旗播不搖事畢至